



---

Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-2184-7/25 – BA/SA

Tuzla, 15.12.2025. godine

Na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i Preporuke Komisije za provođenje postupka ugovaranja dijagnostičkih pretraga za 2025. godinu, donosi se sljedeća

**O D L U K A**  
**o izboru ponuđača**  
**u postupku nabavke dijagnostičkih pretraga za 2026. godinu**  
**LOT 1 - CT dijagnostika ambulantne usluge**

**I**

Cijeneći Preporuku Komisije za provođenje postupka ugovaranja zdravstvene zaštite, za nabavku dijagnostičkih pretraga za 2026. godinu – LOT 1 CT dijagnostika ambulantne usluge, biraju se ponuđači kako slijedi:

1. JZU UKC Tuzla
2. PZU Poliklinika „Medical Irac“, Tuzla
3. JZU Dom zdravlja Živinice
4. PZU Opća i specijalna bolnica „Plava medical group“, Tuzla
5. ZU Specijalna bolnica Medical Institute Bayer, Tuzla
6. ZU Poliklinika Azabagić, Tuzla
7. JZU Opća bolnica „dr. Mustafa Beganović“, Gračanica
8. JZU Dom zdravlja Gradačac
9. PZU Specijalna bolnica „Medikol Salinea“, Živinice

**II**

Cijene po kojima će se vršiti realizacija okvirnog sporazuma, u skladu sa odlukom Upravnog odbora Zavoda iznose:

- CT dijagnostika bez kontrasta – 100,00 KM,
- CT dijagnostika sa kontrastom – 180,00 KM (izuzev CT angiografija i koronarografija),
- CT angiografija – 230,00 KM,
- CT koronarografija – 280,00 KM.

Finansiranje će se vršiti na osnovu Modela 3 iz člana 12. stav (1) tačka c) Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2025. godinu, broj: 02/1-33-34546/25 od 20.11.2025. godine.

Realizacija pojedinačnih ugovora sa izabranim ponuđačima će se vršiti na osnovu kapaciteta iskazanih prema tipu i broju aparata na kojima se pružaju usluge, vrsti dijagnostičkih usluga za koje se ponuđač izjasnio, kao i na osnovu geografske lokacije pružanja usluga.

### III

Nakon proteka Zakonom predviđenog roka, te dobijanjem Saglasnosti Ministarstva zdravstva Tuzlanskog kantona za zaključivanje Okvirnog sporazuma i usvajanjem Odluke Upravnog odbora Zavoda zdravstvenog osiguranja TK o davanju saglasnosti na zaključivanje Okvirnog sporazuma, Ugovorni organ će sa izabranim ponuđačima zaključiti Okvirni sporazum o pružanju dijagnostičkih pretraga za 2026. godinu – LOT 1 CT dijagnostika ambulantne usluge.

### IV

U skladu sa članom 70. stav (6) Zakona o javnim nabavkama BiH, ova Odluka će biti objavljena na internet stranici Ugovornog organa istovremeno sa upućivanjem svim učesnicima u predmetnom postupku.

### V

Ova Odluka stupa na snagu danom donošenja.

### OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14, 59/22 i 50/24), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2026. godinu, broj: 02/1-33-34546/25 od 20.11.2025. godine, koju je donijela Vlada Tuzlanskog kantona, člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i Saglasnosti Ministarstva zdravstva TK broj: 13/1-33-035011/25 od 24.11.2025. godine, objavljen je Javni poziv za dostavu ponuda za ugovaranje dijagnostičkih pretraga za 2025 godinu.

Predmet nabavke su usluge dijagnostičkih pretraga za 2026. godinu.

Predmet nabavke je bio podjeljen na četiri (4) LOT-a:

- LOT 1 - CT dijagnostika ambulantne usluge
- LOT 2 – MRI 1,5T dijagnostika ambulantne usluge
- LOT 3 – MRI 3T dijagnostika ambulantne usluge
- LOT 4 - Oftalmološke usluge

Procijenjena vrijednost nabavke iznosi 9.050.000 KM, podjeljena na LOT-ove:

- LOT 1 - CT dijagnostika ambulantne usluge .....4.000.000 KM
- LOT 2 – MRI 1,5T dijagnostika ambulantne usluge .....4.100.000 KM
- LOT 3 – MRI 3T dijagnostika ambulantne usluge.....100.000 KM
- LOT 3 - Oftalmološke usluge .....850.000 KM

Kriterij za odabir ponuđača je najniža ponuđena cijena.

Cijene po kojima će se vršiti realizacija ugovora/okvirnog sporazuma utvrđene su Odlukama Upravnog odbora ZZO TK.

Ugovor se zaključuje na period do 31.12.2026. godine.

Javni poziv je bio otvoren do 04.12.2025. godine, do 15:00 sati.

Do krajnjeg roka za dostavu ponuda, ponude su dostavili sljedeći zainteresirani ponuđači:

1. JZU UKC Tuzla
2. PZU Poliklinika „Medical Irac“, Tuzla
3. JZU Dom zdravlja Živinice

4. PZU Opća i specijalna bolnica „Plava medical group“, Tuzla
5. ZU Specijalna bolnica Medical Institute Bayer, Tuzla
6. ZU Poliklinika Azabagić, Tuzla
7. JZU Opća bolnica „dr. Mustafa Beganović“, Gračanica
8. JZU Dom zdravlja Gradačac
9. PZU Specijalna bolnica „Medikol Salinea“, Živinice

Obzirom da su ponuđači čije su ponude ocijenjene kao prihvatljive ponudili cijenu koja je u skladu sa odlukom Upravnog odbora ZZO TK utvrđena kao maksimalna i cijeneći da je tačkom 7. predmetnog Javnog poziva za ovaj postupak nabavke predviđeno vođenje pregovora u svrhu postizanja jedinstvene najniže cijene po uslugama koje su predmet nabavke, pregovori predviđeni Javnim pozivom nisu se provodili.

Postupajuća Komisija je dala Preporuku Ugovornom organu da se Okvirni sporazum o pružanju dijagnostičkih pretraga za 2026. godinu – LOT 1 CT dijagnostika ambulantne usluge, dodijeli ponuđačima kao u dispozitivu ove Odluke.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

U postupku je procijenjeno da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima i Javnim pozivom.

Cijeneći naprijed navedeno, odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema ove Odluke.

#### **Dostavljeno:**

1. Ponuđačima (e-mail)
2. a/a



**DIREKTOR**

**Doc.dr.sc. Denis Husić, dipl. pravnik**

